



Communiqué de Presse

Grad elo: Respekt an Toleranz

D'Lëtzeburger Guiden a Scouten stinn zu hiere Wäerter

Friemenhaass an Diskriminatioun fannen, och hei zu Lëtzebuerg, ëmmer méi Zoustëmmung. D'Lëtzeburger Guiden a Scouten liewen zënter 100 Joer d'Wäerter vu Respekt an Toleranz a vermëttelen dës u Kanner a Jonker. Eis Membere gi virbereet aktiv un der Weiderentwécklung vun der Gesellschaft matzeschaffen, a sech fir eng Gesellschaft anzesetzen, wou keng Ausgrenzung toleréiert gëtt.

Mir kënnen a wëllen dës Stëmme, déi géint eis Wäerter ginn, net onbeäntwert loossen. Als Guide/Scout engagéiere mir eis Verantwortung ze iwwerhuele fir sou an enger solidarescher Gesellschaft, an där all Mënsch gläichberechtegt ass, kënnen ze liewen.

Fir e kloert Zeechen ze setzen hu mir am Kader vun eisem Chefdag am September d'Aktioun «Paddel däi Kanu géint de Rietsstroum» op de soziale Medie lancéiert. Als gréissten edukative Jugendmouvment zu Lëtzebuerg ass et eis wichteg, datt eis Memberen dës Wäerter vu Respekt an Toleranz héich halen.

#PaddeldäiKanugéintdeRietsstroum

Fir d'Lëtzeburger Guiden a Scouten

Yves Marchi

Commissaire général adjoint

Anouk Galassi

Commissaire générale



Iwwer d'Lëtzeburger Guiden a Scouten

D'Lëtzeburger Guiden a Scouten sinn de gréissten edukative Jugendmouvement zu Lëtzebuerg. Eis Missioun ass et, déi Jonk dorop virzebereeden, spéiderhi Responsabilitéit fir sech a fir anerer z'iwwerhuelen. An deem Sënn bidden eis motivéiert Fräiwëlleg de Jonken en oppene Kader, wou jiddereen aktiv matmaachen a matbestëmmen dierf.

Fir mech, fir dech, fir eis, fir jiddereen

Zesummen a Gruppe kann all Eenzele flott Erfarunge maachen, Frëndschafte schléissen, sozial Fäegkeete léieren an sech perséinlech weider entweéckelen. Bei de LGS léieren déi Jonk d'Natur ze respektéieren, iwwer sech selwer an hiert Ëmfeld nozedenke fir sech spéider aktiv, och fir anerer, anzesetzen.